

vere condemnationem in eum factam ad¹⁾ terminum sibi datum, frustretur et buletur. ¶ Si vero insultum factum fuerit sine armis in predictis, conponat march. quatuor nomine pene comuni; et si invadens vulneraverit invassum, nichilominus solvere teneatur penam capituli de malefitio commisso secundum statutum. ¶ Et si quis forensis contrafecerit in predictis et non habuerit unde solvere dictam penam quatuor march. ad terminum sibi datum, frustetur. ¶ Preterea si in aliena domo aliquis²⁾ insultum fecerit, conponat comuni nomine pene march. tres den., et nichilominus puniatur de malefitio per eum commisso secundum formam statutorum Tergesti; et si defendiderit se invasus, non teneatur ad aliquem penam, et si invasus vel eum iuvans percuserit vel interfecerit invadentem vel eum iuvantem ipso inpetu in dicta domo, neque illis neque comuni ad penam aliquam teneatur.

Cap. XIII. De tractatu mortis alicuius. R.ca.

Quicumque civis vel habitator Tergesti tractaverit vel ordinaverit mortem alicuius civis vel habitatoris Tergesti extra districtum Tergesti et pro certo repertum fuerit, conponat nomine pene libr. centum par. ¶ Si vero ille, de cuius persona factus est tractatus, ex illo tractatu mortuus fuerit, paciatur tractans penam de homicidio. ¶ Et si tractaverit offensionem alicuius civis vel habitatoris Tergesti in persona ipsius extra // districtum Tergesti, conponat tractans vigintiquinque libr. par. nomine pene: et si propter illum tractatum fuerit vulneratus vel ofensus, conponat tractans penam statutorum de malefitio; et si ille qui inciderit in penam centum libr. par. non solverit condemnationem ad terminum sibi datum, perdat manum dextram, et ille qui incideret in penam vigintiquinque libr. par., si non habuerit unde solvere condemnationem, stet in carceribus comunis donec dictam condemnationem integre solverit; et acusator perdat linguam si pro certo non fuerit repertum id quod dixerit.

¹⁾ *ad-datum* aggiunta marginale. ²⁾ *si quis*. Statuti 1365: *aliquis*.